

Geedí pqishiga ákqaakqab



kqó la thá
kqólathá

akqaa kqá bú
akqaakqábú

ha sqó
hasqó

a e i
o u

1.

2.

- | | |
|-------------------|--------------------|
| (a). <u>gadi</u> | (a). <u>mugúñ</u> |
| (b). <u>gali</u> | (b). <u>musháñ</u> |
| (d). <u>ga__</u> | (d). <u>mu__</u> |
| (dq). <u>ga__</u> | (dq). <u>mu__</u> |



1. Gíídí a maadó afanféqi.

2. Gíídí _____.


3. Gíídí _____.



Geedí pqishigá ákqaakqab

Alhalífa, Ábdu u Hamís geedí gúdígú tha alhílla baalá sqawaríyú mbá maayu alkqába míllañ ñinéñ maa máre. Mbá gúdiga máré pqishiga áñgú máré záá tha akqaakqábú. U gídi galigú mbá ámeri máré hasqó mbá kqabí máré tháñ.

Munzúmáñ míñ mbá mathóó maré míñ tha algiráyayú máré taafagu shá maré zá tha akqaakqábú shá máré kqabó mugu. Á abune thíkqogú ma álé ápqili ber ndú u ma álé ámeri gali hasqógú. Áné kqalagagú “Waané záá háthú mbá ápqilga háthú ber ndu? Zíí sha hathú zááqí tha akqaakqábú?”



Gárrathá át hikqathá gíñ gialá Alhalífáthá míñ mbá mathó máré míñ tha almadarasayú.

Á géédí kqalaga shíñ “hííñ hatháñ zááqí áñ kqabóó gíñ tqubiña.” Á abune móóthagá ndugú sha bakqa záá máré sha maré kqólí gíñ búúshú ñeero. Á géédí kqalagá “walá gií hatháñ shambámáñ. Alí mugu ñinéñ zááñña kqaakqáb mbá walá kqólí. Á abune kqalagágú “Bakqá áámúúfa hathúe misqué hathú kqólathá ma guuguz ñinéñ fií hathú.” Á géédí íísha alú u máré záá thá ileyú.





Adágalá filí walá thíñlá.

Ansúñ are thíñlá.

Mugu uqúñ kqóllá.

Madañ uqúñ walá kqóllá.



bo	fúú	rid	gu
ga	pqe	aba	r
mu	bá	mû	ñ
be	fúr	li	ro

1.

3.

2.

4.



1. Máásqi biiló gothí añgú thá faasqí.

2.

3.



Geedí pqishigá ákqaakqab

Yooma attalátá náñ garrañá? Sqasqríña walá kqóóde. Gárrathá á thíkqathá shambá kqódí sqasqríñalé?

Shambá zaa máré máré thíkqa mugu máré gagá áné dqafára maré alú. Máré físh záá máré thíkqa mugumáñ thíri mba zíí tha are ma pqeshuo gíñ mañi. Asharú mugú pqeshuo pqéroqi ma álé dqíñné alú shá gíñ mañ adóogá áné muláqi áné thapqáneqi tháñ ñínéñ maané. Shambá ithigá góli muquqi áné áhia abarókqedqe thá gurúyueqí ma álé beeqí hí! hí! hí!



Náñ walá áláfágá pqéró muquqi mbá dqíñaganáne alú?

Á pqéro baró híoqi áné gágiña geedí. Ma álégú thúlí Alhalífa áné sqikqá áné kquulu na hu. Ábdu áné gúúdqá na ndú fuudí u Hamís shíñ á húñhudq shapqútha hu áné gashá thíri. Shambá wássaloo máré thaayú máré pqúláqi sha maré gágiño pqéro u maré dúrraoqi.



Ma geedí álé thúlí ndá gashá thíri?

Á ábune kqalagágú alí gíñ rothishéli hathúeqinné alí hathú kqalóóqí sha mugú ñinéñ záá háthú kqaakqáb. Shaañ gióó háthú mbá huluóga háthú thá pquerole? u áné pqilágú. Á géedí baró kqalá “Tááni walá hatháñ fédqi mugu. Áhér hatháñé misqué kqookqól thaayú.”



Shaañíne kqala geedí míñ mbá wasalá máré thaayú?




- | | |
|------------|--------|
| 1. a__apqu | h / b |
| 2. m__rra | a / aa |
| 3. a__aar | d / dd |
| 4. ____ r | i / í |



borid, mia, thañ, kqontqe, pqero, shiñír

A) Mbá kqóllá : B) Mbá walá kqóllá:


1.



___ (a) mugu



2.




___ (b) ber

3.



___ (d) pqero

4.



___ (dq) mû



1.


3.

2.

4.



Amía fúúfúr u amía afanfé



ñhé dqáñ

ñhédqáñ

mú sha

músha

aahí bí

aahibí

a e i
o u

1.

2.

(a). bogodo

(a). bilia

(b). borid

(b). bidí

(d). bo__

(d). bi__

(dq). bo__

(dq). bi__



1. Borid kqoli uqûñ.

2. Borid


3. Borid



Amía fúúfúr u amía afanfé

Gábul amía afanfé u amía fúúfúr gugúdiñigú añ dqukqúnúñ. Thíñthíñámáre u gíñ gii máré kqílliñ ma dqukqúnúñ. Amía afanfé badqiiñ áre mílláñ. Amía fúúfúr shíñ ma ñhédqáñ u walá madi añ gundi.

Múnzumáñ amía fúúfúr aháthé áné thiñho amía afanfé tqukqathi. Shambá wássaloolá ámía afanfé áné thíkqo ámía fúúfúr ma thíña ñine tqukqathi.



Gárrathá á thikqathá gíñ pqíluogalá á amía fúúfúrááthá maré amía afanfé.

Áné pqíla u máré pqilu thá bishiyú. Á amía afanfé baró kqala “Sháñ giilí mbá kqáshagalí amía fúúfúr mbá shúngane áñ?” Á amía afanfé baró squlá “amía fúúfurói! adó máání áñ záá áñ daaru alú thá ñeera bishi. Á ámia fúúfúr shíñ kqala ‘íá! laakín ñgó ñinéñ thárlí alú daará ñgó baró shíñ dááragi alú.”



Azzamaná roothó!





Ndá gidi algálámálé?

Kámmu gídíñó agudíñóathá?

Wááné gudíñó?

Náñ thiñga máábí?



afan	ñee	tqu	fa
fú	fu	I	fúr
kqa	dquu	tha	fúr
kqá	fé	sha	ra

1.

3.

2.

4.



1. Diiñí dqoshilá gíñmáñ tháñ.

2.

3.



Amía fúúfúr u amía afanfé

Yooma attalátá náñ garrañá? Sqasqaríña walá kqóóde. Gárrathá á thíkqathá shambá kqódí sqasqaríñale?

Maré záá aañá daarugalá alúqi aañá zíqi ñééra. Á amía afanfé áné hía thá ñeera bishíeqí áné kqala amía fúfuréqí ma ñine álé fúdqí áñ “walá ma ñgó kqalagalí sha thámá mú bakqá thámñóne.”



Ndá thara hihí tha ñeera bishíeqí?

Shambá kqóódáné añ fuufúdqí áné baró kqala amía fúfúúreqí “Tháma baró!” Shambá kqóóda mú á amía afanfé baró híoqi míñ thá fuulu míthíl maabá híoqi míñ thá mýyú u áné kqala amía fúfúréqí “Madishúqidqá walá ali dári alú.”



Náñ kqalagalá amía afanfé ámía fúfúréqí shá walá ma ñgó kqalagalí sha thama mû bakqá thamiñóne?

Adó shíñ áádáára ñgó alú.” Á amía fúúfúr shíñ hía thá ñeera bishíeqí áné kqala “ Tháma mú sha walá aahibí mú u walá giigé gíñmáñ.” Shambá thámalá amía afanfé mú áné dáára amía fúfúr alú áné baró músha.



Náñ dááraga amía fúúfúr álu na ñine?



- | | |
|---------------|--------|
| 1. b ____ li | o / u |
| 2. thi ____ i | r / rr |
| 3. w ____ qu | a / aa |
| 4. buu ____ ú | ñ / m |



Wááné huhílá thuutha?

Náñ gísqílá or tháñ?

Kámmu gídí shíñír hu?


1.



(a) afanfé



2.



(b) fúúfúr

3.



1 (d) tqukqa

4.



(dq) dquutha



1.

3.

2.

4.

Ibrahím u abúné



shim bi lá
shimbilá

ba sha
basha

bá kqa thi ña
bákqathiña

a e i
o u

1.

2.

- | | |
|--------------|-------------|
| (a). gugúd | (a). milí |
| (b). gushiña | (b). misqué |
| (d). gu__ | (d). mi__ |
| (dq). gu__ | (dq). mi__ |



1. Madañ thiñ zíli.

2. Madañ _____.

3. Madañ _____.



Ibrahím u abúné

Ibrahím gadí gárraqí tha almádarasá thá Tqáibayú ñinéñ maané. Abúné Aqíshalá ñinéñ sqúlláne.

Aqíshalá pqishiga ákqaakqab míllañ. Kúllu yóm mbá gúdígáné adí áné fio gíñ buushú ñeeró kqóllá.



Garrathá á thikqathá gíñ gárraolá Ibirahímááthá tha almádarasú mbá thíkqooné ma álé gi abune.

Múnzúmáñ á máábá ágarrañí ágarraña Ibirahí-mááthá sha gíñ buushú ñeero shimblá adaarú ñinéñ maané walá pqishí sha álé básha u sha álé dááragá alkqáábámáre alúgú. Mín mbá mathóólá Ibrahím míñ tha almádarasú áné thíkqo abúné ma fioo mugu.



Azzamaná roothó!





Hathu madi gíñ níshigalá oorá?

Hathu madi gíñ bidígá róá?

Hathu madi gíñ kqóli búúñúá?

Gíñ a bádqigalá firi madi háthúá?



buu	ali	tqe	ama
kqon	me	rí	zíñ
re	ama	líañ	ñó
oo	géñ	ñú	she

1.

3.

2.

4.



1. Afanfé futhi alfúúlqi.

2.

3.



Ibrahím u abúné

Yooma attalátá náñ garrañá? Sqasqaríña walá kqóode. Gárrathá á thíkqathá shambá kqódí sqasqaríñale?

Áné kqala abúnéqí “Abbá alí hatháñ gárraoqí shókqoñ sha walá pqishí sha álé fia gíñ buushú ñeero” Á ábune kqalagá shíñ “Ná kqal-nó shaañíné? Áadqaakqa alúdqáyá?” Áné shíñ kqala abúnéqí “eqé walá ñgó dqaakqa alú. Lakín bakqá físh fiñóne.”



Náñ kqalala Ibirahím abunéqí shambá kqalá abuné á dqaakqa alúdqáya?

Assabá físh áné thíkqo abúné ma fio mugu. áné kqalagá “Abbá! walá aakqalóó ñgóqí gíidí sha walá pqishí álé fia gíñ buushú ñeeroá?” Á ábune kqalagá “náñ hushiñógi.



Ndá kqalé sha, “ Náñ hushiñógi?”

Gíñ thámagalí ñgó tha almádarasúneá? Walá ma fédqiñó bakqá kqólñonedqá” Kúllu yóm ñine hushi abúné thá rootha lemina ñine bákkathiñá abúné gíñ buushú fiifí.



Sha nine bakqathiñálá Ibirahím abuné gíñ buushú ñeero fiifí?

a e i
o u

- | | |
|-------------------|--------|
| 1. ____ indí | b / g |
| 2. bori ____ | dq / d |
| 3. kqai ____ a | th / d |
| 4. alba ____ ááda | r / g |




Kámmu gídíñó bábáñóathá?

Ndá da addáwa?

Alqúmúráqa kámmu maané?

1.



(a) kqontqe



2.



(b) amazíñ

3.



(d) buuñú

4.



(dq) ooñó




1.

3.

2.

4.

Anthamañ u borid




agú rá
agúrá

ña lú kqe dqe
ñalúkqedqe

faa sqí
faasqí

Anthamañ mbá ziizíñgané gábul walá zííqí ná gíñ buushú ñeeró gorne tha alfíkir. U pqishigá áttamsil mílañ. Borid shíñ ñinéñ maamañ agúrá gíñ búúshú ñeeró lakín ashíddá bás ñinéñ gídíné walá gídi alfíkir. Múnzumáñ anthamañ aháthé aañá holi gíñ búúshú ñeeró áné kqala gíñ buushú ñeeróeqí “Borid mbálé híbíhá shúgó mbá squsquathiñhá hu alí háálí gundi na ali ma shiñír.”



Gárrathá á thikqathá gíñ sqúlágá bórid alú buura.

Á duásh pqúliña boridéqí sha anthamañ kqalóóqí sha ñine háá ñine gundi. Á bórid pqilá áné baró kqala sha ñine gídi alú buura u lázim áyu gíñ buushú ñeeró áné thikqu tha alú buurayú. Á ánthamañ fágada sha ñinéñ giilá alú tha alú buurá áné gashá thá kqedqe. Á bórid kqala “Wááné zíí ánthamañ? Fédqílí áqákatabiña roothá taafaguña tha alú tha alú buuráleyú.” Áné thíkqa ma shaarí. Áné ágenagá sha álé squlóó áné íshio thá kqedqe. Shambá íshioné á bórid kqalá dqíñhothági thálé áadugá na ali.





Haala maabá ágarrañíñgó ndu!

Hoshala alkitááb tháñ!

Mathô alú!

Dqañósha!



rid	ñí	faa	thá
dii	bo	tha	du
mar	sqí	ásh	a
an	buñ	béñ	mañ

1.

3.

2.

4.



1. Mugu gaga bórid.

2.

3.



Yóómá attalátá náñ garrañá? Sqasqríñ a walá kqóóde. Gárrathá áthíkqathá shambá kqódí sqasqaríñale?

Shambá wássálá bórid áné thíkqa ma dírshí áné kqalagá “Náñ giiñúa amí anthamañ? Alí hatháñ gídi alú buura.” Á ánthamañ kqalagá “Haalóóliyú laakín aabadqí walá aagádarí mbá adí. Á bórid kqalagá “Halás ááhasqúla ñgó thá gundi.



Náñ thikqá bórid ma álé gii áñthamañ?

Mín mbá kqálá bórid shambáló anthamañ pqiishágá áñ. Áné kqala “asháñ aabadqí walá aagádarí mbá adí ñgó daagé faasqí gothílí añ tháñ ma ali álé hááqí ñgó thá gundíeqí u ma ali álé buthíqi. Ñgó físh dquoosha ñalúqa doño thá diiñí mbá dámlíqi sha ali sqikqíthaqí. mÍn ñgó thá gundi” Á bórid gíbila roothálé áné dquoosha ñalúkqedqe doño thá diiñí u áné daa anthamañé faasqí.



Sha nine dquoosha áñthamañ borid doño?

Mín mbá haané borid thá gundíeqí u mbá zaa máré shambá ithigá máré aáñá holi gíñ búúshu ané fia diiñiyú u áné fia na alú thá faasqí ma álé kqali gíñ buushúeqí “Alí hathú maadágiqidqa ma ali álé há borid gundi ma shiñír.”



Náñ gíá áñthamañ borid mín mbá ithigá máré aañá holi gíñ buushú ñeero?

a e i
o u

1. be____	I / r
2. h____sh	ee / e
3. ____akqa	s / sq
4. allem____n	i / u



Walá ñgó dqóñóshíá.

Walá ñgó thíñíá.

Walá ñgó adíá.

1.



(a) borid




2.



(b) anthamañ

3.



(c) faasqí

4.



(d) diiñí



1.

3.

2.

4.



Alílíañ

Gárrathá á thikqathá shambá fíá álilíañ mugu.

Alílíañ pqishiga úquñ. Múnzumáñ aháthé áné hía thá fuuluéqí ná bia. Á mugu haalayú. Áné da mugué diiñí ma thabákqedqe ná gúúra ná kqithú na gundi. Ná baró kqóla.



Náñ bíaga áliliañ?

Ndá kqithuo na gundí?

Sqasqaruñale náñ agárrañné háthú?



mañ	búú	pqe	rid
fé	tha	be	afan
an	ñú	bo	r
dii	ro	ñí	ga



1. _____
2. _____
3. _____
4. _____

ajjuáfa, ñónshá, atqetqe, almánga,
squeera, dírsqiñ

A) Mbá thiñlá:

B) Mbá walá thiñlá:

101

Jawáhiráthá maré gadíkqedqe



kqen kqé sq
kqenkqésq

mún zuñ gu núñ
múnzuñgunúñ

kqun sqú
kqunsqú

a e i
o u

1.

2.

(a). shilé

(a). alkitáb

(b). shiñír

(b). albánbar

(d). shi__

(d). al__

(dq). shi__

(dq). al__



1. Misqué kqookqól pqishigéqí.

2. Misqué _____ .

3. Misqué _____ .




Jawáhiráthá maré gadíkqedqe

Jawáhir gídi gadí gárra shúlindu holloñoníñ mbá sqúllá Ihlás. Kúllu yóm assáqá kqunsqu kqunsqú ñinéñ áthiñthíñnéne ma álé adí tha almádarasúeqí. Gídi misqué húhúlúgú, kqenkqésq, shaashá u dqabarí lakín walá thíni máre u gídí thañgú lakín walá pqarthi máre.



Gárrathá á thikqathá gíñ garraóóla Ihlásááthá tha alqulúmá adaarúyú.

Múnzúmáñ á Ihlásááthá gárra thiñthíñá pqiishí tha alqulúmá adaarúyú. Mín mbá mathóóné míñ tha almádarasú á Jawáhir kqalagá “Náñ gárraohá shókqóñ?” Ánē kqala ñinéqí “Hatháñ gárraóó thiñthíñá pqiishí u ná físh gárráña sha walá pqishí ma maabí thíña thiñthíñ alqáina dqukkúnúñ kúllu yóm.”





Maaba thiñ almóz.

Maabí thiñ almóz.

Gadi ilí.

Geedí ilí.



hú	mi	gú	sqú
gaa	lú	kqen	mútq
kqun	pqim	hú	ma
kqésq	sqé	pqíl	ashar

1.

3.

2.

4.



1. Asharmútq sqabathíñ hárañ.

2.

3.



Yooma attalátá náñ gárráñá? Sqasqríña walá kqóóde. Gárrathá á thíkqathá shambá kqódí sqasqríñale?

Ná shíñ kqalgalá Jawáhír “Gadíñkqo kqunsqú alí thiñthíñá pqiishí ñinéñ maané.” Á Ihlás shíñ kqalagá “ Hííñ kqunsqú pqishí lakín ma thiñalá ñine dqukqúnúñ kúllu yóm walá pqari badqíñgíñ are.”



Ndá kqalaqi, “ Kqunsqú alí thiñthíñá pqiishí ñinéñ maané”?

Á Jawáhir kqala Ihláséqí “Náñdqá giiña?” Á Ihlás shíñ kqalagá “Añ thiña misqué húhúlú múnzuñgunúñ u áñ pqartha tháñ áñ thiña na ir múnzuñgunúñ.”



Náñ kqálálá Ihlás didinéqí shambá kqalané, “ Náñdqá giiña?”

Mín mbáló á Jawáhir baró áthiñthiña gadíkqedqe Ihlás thiñthíñá pqiishí alqáíná hórí añ míllañ.



Náñ áthiñthiñágálá Jawáhír gadíkqedqe thiñthíñá pqiishí?



1. ha ____ bal	m / n
2. ____ uhúlú	b / h
3. albabá ____ a	y / h
4. albíri ____	sh / s




Thañ thiñ ñeera.

Gali thiñ eeshé.

Musháñ harí.


1.



___ (a) húhúlú




2.



___ (b) gaagú

3.



___ (d) misqué

4.



___ (dq) asharmútq




1.

3.

2.

4.

Niqimát thá geedíkqedqele



kqon kqo né
kqonkqoné

bá kqí shé lá
bákqíshélá

pqíl tha lá
pqílthalá

a e i
o u

1.

2.

- | | |
|-----------------------|----------------------|
| (a). pq <u>aa</u> lí | (a). di <u>id</u> qa |
| (b). pq <u>aa</u> gú | (b). di <u>ir</u> a |
| (d). pq <u>aa</u> __ | (d). di <u>i</u> __ |
| (dq). pq <u>aa</u> __ | (dq). di <u>i</u> __ |



1. Múna úúsaqí.

2. Muna _____ .

3. Muna _____ .



Niqimát thá geedíkqedqe

Gábúl ammá Niqimát gugúdiñí thá geedíkqedqe
mbágu sqúllá Karíma, Hámíd, Jááfár u Háwa.

Geedíkqedqe mbálégú walá pqishiga áñgú shá máré
gúda thá máre ma didínémáre shaarí.



Gárrathá á thikqathá gíñ pqishí geedí Niqimátéqí.

Múnzúmáñ ammá Niqimát aháthé áné tháma aagu
thámuyú ma ñine álé adí thá gafúeqí. Áné kqalho
geedíkqedqéqí shá máré fúlhoole iñ u shá máré
kqíthího alú thá firi. Shambá dqafára ñine gúndíyu á
géédí záá tha aqiliyúeqí lémina didínémáre
mathóóqí míñ thá gafú.



Azzamaná roothó!





Miagú gódi mááda.
Dárwashgú thiñ gíñ ñooné.
Shúligú dáárá alú.
Mugugú gaga bórid.



aa	al	asha	gá
afi	óñ	rám	aba
dqí	gu	da	re
be	la	kóó	kqo

1. _____

3. _____

2. _____

4. _____



1. Hááshi pqarthi ir.

2. _____

3. _____



Yooma attalátá náñ gárrañá? Sqasqaríña walá kqóóde. Gárrathá á thíkqathá shambá kqódí sqasqaríñale?

Á dídinemaré thíkqóó gíñ bakqané thá múyú ma dááré ma kqonkqoné áné pqílā míllañ. Shambá mathô géédí are mín aañá hoolo máré máré kqala sha álé daa márthé gíñ thiñi máré.



Ndá tharô wasala thaayú?

Á dídinemaré kqalagágú “Alí gíñ zióó sha thiñhánné bakqó háthú ná dááré.” Á géédí kqalá “ U walá gíñmáñ zííqínné yaqani mbá thiññayá?” Á dídinemaré kqalagá “Walá zííqí.”



Shambá mathô géédí náñ kqalagane didínémáré?

“Thiñathá huyúñgáma.” Ma ñine álé pqíli u áné farága shimingú á géédí baró kqalá “Ñkán hatháñ shákqalóóthe thá gíñ bakqíshélá thá muyú walá hatháñ pqílthalá u walá hatháñ thúrthá gíñ thiñña.”



Náñ gesaga géédí nduyú?

a e i
o u

1. adar ____ adqí f / h

2. gugú ____ í n / ñ

3. dq ____ ñ ó / o

4. g ____ sqe ii / i



aagu boñgóر baráñ
misqué másqbaalá

1.



— (a) aagu



2.



— (b) afióñkqo

3.



— 1 (d) asharámbe

4.



— (dq) alkóóre



1.


3.

2.

4.

111

Búshra



kqi thóó gé
kqithóogé

pqo ho
pqoho

ú sa qí
úsaqí

a e i
o u

1.

2.

(a). horoñ

(a). dqabarí

(b). hozí

(b). dqafáré

(d). ho__

(d). dqa__

(dq). ho__

(dq). dqa__



1. Iñish rafílá hárañ tháñ.

2. Iñish

3. Iñish



Búshra

Búshura gadí gárra shúli ndu hollóñoníñ ñinéñ maa-né. Mbá gúdigané walá pqishiga áñ sha álé ágena ñine. Ma maabi kqále shá álé agéna ñiné ané pqilá u ané búúna maabí alú. Múnzumáñ didíné aháthé áné gúúza tqukqa u fírí gísquilá alqíddayú tháñ walá zié.



Gárrathá á thikqatha gíñ shuní Búshuréqí.

Á dídine kqalagá “Billáhi gadíñkqo buuná ñgó kqithóogé firi áágísqa alqíddayú tháñ.” Á Búshura pqilá u áné ahátha áné buuna ma ñine álé kqali didíneqí “Walá dugílí ñgóqí. Alí gíñ sqáríyunnegú. Náñ giiñó thá firi.” Mín mbálo áné ahátha áné buuna áné dqafára. Didíné baró pqilé míllañ.



Azzamaná roothó!



Maaba idelé be bolo.

Maabí fáálé be bolo.

Niñé ólgíñí.

Míhi ólgíñí.



<i>adqa</i>	<i>li</i>	<i>r</i>	<i>ajja</i>
<i>iñí</i>	<i>dqá</i>	<i>ba</i>	<i>sh</i>
<i>lí</i>	<i>y</i>	<i>fat</i>	<i>hu</i>
<i>awa</i>	<i>gá</i>	<i>na</i>	<i>ashá</i>

1.

3.

2.

4.



1. **Gaagú thiñlá.**

2.

3.



Yooma attalátá náñ garrañá? Sqasqríña walá kqóóde. Gárrathá á thíkqathá shambá kqódí sqasqríñale?

Shambá wákkaránéqi áné adá ma pqílí áné bakqa hánduñ thé pqoho. Ma ñine álé zíí thé firú á gáli adó áné thiñho tqukqaqi. Shambá mathóóné áné thíkqo tqukqa ma kqóodá gáli alú. Áné pqilá míllañ.



Ma Búshra didíné zííqí wááné thiñia gálí tqukqaqi?

Shambá gúda áñ baalá shúgó á Búshura wássalo áné kqala mmáánéqí “Ándí tqukqá daaroólágéqí?” Á dídine kqalagá “Alí ma ali álé zííqí thé firú aathíkqó gali ma thiñia tqukqaqi walá zííqí na gíñ daalí ñgóqí.”



Wááné ziólá Búshra?

“Alí thabá dqukqúnúñ walá kqúkqi are. Ndá kqalóó ñgoqí sha geedí walá gádarigú máré pqaada didínááthá ma alégú úsúaqí?” Á Búshra baró kqala míñ shókqóñ walá ali íshi ñgóqí.



Náñ kqalgalá “Sha thabá dqukqúnúñ walá kqúkqi are”?

a e i
o u

- | | |
|----------------|--------|
| 1. ____ du | ñ / n |
| 2. iisq ____ | ú / u |
| 3. má ____ shí | r / s |
| 4. ____ uutha | th / d |



niñe míhi maabá idelé
 maabí fáálé muu mú kqesqi
 madqín alú báñgú

1.



(a) adqadqáfat



2.



(b) awár

3.



1 (d) ajjábana

4.



(dq) hulíli




1.

3.

2.

4.

Haashí mió



haa shi
haashi

aba dqá
abadqá

dqaa shí
dqaashí



Ábduathá maré Almáki geedí gárra shúlindu hol-loñóníñ tha almádarasá thá Undulúyú ñinéñ maa máré. Maré holloñoníñ haashí mió ñinéñ maa máré. Mín mbá mathí máré mín tha almádarasú u mbá kqádda máréqi máré pqúdá mia alugú. Miagú ee máré gídi geedígú u pqarthi máré.



Gárratha á thikqatha gíñ kqaalatquogalá Almákiáthá máré Abdu.

Mbá Almáki míñ mbá pqarthináné gídigané alkóós baalá mbá ábadqináne tháñ. Mbá Ábdu shíñ ma dqaashí ñinéñ mérnáne.

Alyóómamáñ máré kqaalatqú ná kqallá Almáki Ábduéqí “Náñ mérgañó iirá dqaashí? Alí gii ñgó horóñ biiló thayú.”





Mererí fíá kqúluñ.

Oorí thìñá thááñí.

Aagugú búúsqá álu.

Lúúbágú féésqálá.



kqo	da	mu	sh
mi	haa	a	shi
rú	al	dqo	ir
máá	sqir	tháñ	kóós

1.

3.

2.

4.



1. Ajjábana giilá albúñ tháñ.

2.

3.



Yooma alqítñêñ náñ garrañá? Sqasqríñä walá kqóódé. Gárrathá á thíkqathá shambá kqódí sqasqríñale?

Á Ábdu shíñ kqalagá “Busqáñaqaanno walá gii gíñmáñ. Náñ húshigi sha ali ábadqi ir.” Máré kqaalatqu. Á Ábdu baró kqala Almákieqí “Náñ áhi ñgó tha aliyú? Ábadqishemé mbáqa ma fédqiñó.” Á Álmáki shíñ kqalagá “Alí ñgó badqígé ndu walá ñgó fédqilí shá ñgó dúrraqi.”



Ndá kqálaqí, “ Náñ áhi ñgó tha aliyú”?

Assabákqedqéqí shambá zaa máré tha almadarasú á máábá ágarrañi alqulúmá adaarú ágarraña maré sha iirá walá ma abadqá u mbá wála ma pqarthá tha annadáfá gii maabíe horóñ biiló thayú.



Náñ gárraolá Abduáthá tha almádarasú?

Mín mbá haalaláneá Ábduyú áné kqala Almákiéqí “Alí assé ñinéñ kqalóolí ñgóqí. Mín shókqóñ walá ali físh méri iirá walá ma abadqá.” Mín mbálo baró walá Ábdu físh mééra iirá walá ma abadqá.



Náñ kqalalá Ábdu mina mbá haaláné maabá ágarrañíndu?



- | | |
|----------------|--------|
| 1. ash ____ t | a / o |
| 2. kqaa ____ a | d / r |
| 3. ____garô | aa / a |
| 4. g ____ y | á / a |




**Geelí gúlí.
Húhúlúgú basháqí.
Alílíañgú gaga mia.**

1.

 (a) mia

2.

 (b) alkóos

3.

 1 (d) mááda

4.

 (dq) haashi

1.

3.

2.

4.



Húsna

Gárrathá á thikqathá gíñ gía harañá Húsna.

Húsna niñé harañú mmaané. Múnzumán aháthé ráafá kqenkqésq thá asharmútq. Kqithiñáné álú tha alkóóreyúéqí tha afióñkqo ma álé fathínéyú tha adqadqáfat. Ámía buudqa hárañ alú. Húsna baró biáqí.



Náñ maalá Húsna?

Nañ rááfalá Húsna?

Káán hathú mááthá Húsna náñ gíathá háthú?



hú	mi	ba	ashar
ajjá	afi	kóós	óñ
kqo	lú	hú	a
al	na	tq	mú



1. _____
2. _____
3. _____
4. _____

A) feshé, musháñ, hod, hódodó, gali

B) musháñí, hoodí, geelí, báshé, hódodógú